



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. A.5.7






Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. A.5.7



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. A.5.7



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. A.5.7

b

PLATINI PLATI MEDIOLANENSIS AD
MAGNIFICVM THOMAM THEBALDum
BONONIENSEM EQUITEM AVRATVM
AC DVCALEM SENATOREM CLARISSI
MVM LIBELLVS DE CARCERE.

DAEDALVS ALARVM FABER
aetheriusq; uiator
Vt posito euasit Gnosia regna metu:
Redditus euboicis oris in Apollinis aede
Quae tulerat propria pinxit acerba manu.
Nec dolor obstabat: quin atri carceris umbras
Fingeret: & nati corpus inane sui.
Omnia sacrauit Phoebos: nos iure secuti
Daedalon haud passi quo leuiores sumus
Hoc uarium carmen nostri monumenta doloris
Dicimus: & uolumus nominis esse tui.
Qua faciam ratione Thoma facunde Senator:
Accipe saepe tui sensimus oris opem.
Quo fera bistonii mitesceret ira tyranni
Et siculi: posset quo pius esse Nero.
Adde quod Aonidum non aspernaris alumnos
Doctus enim uatum de grege quencq; iuuas.
Et legis & laudas humiles aliquando camagnas
Praecipue nostras: & mihi semper ades.

AD DEVM MAXIMVM OPTIMVM.

a



Omnipotens qui corda ducum ceu cuncta gubernas
Vna eademq3 patris natiq3 aeterna potestas
Respice me per ego te supplex uiscera matris
Impolluta tuae: materna per ubera: perque
Vlnera quina precor tua: per crudele piaculum
Perq3 tuum in lucem reditum mirabile uisu
Diuinofq3 tuos caeli ad conuexa uolatus
Finem aliquem celeremq3 malis pater optime nostris
Da: merui grauiora quidem: mortalibus ullis
Si qua dari grauiora ualent: obnoxius ad te
Confugio numenq3 tuum exorabile posco
Iudicio ne me sistas: in iure cadendum
Est mihi: sit ueniae tantum locus utere quaeso
Hac aeterne parens tua si claementia cesset
Quis te ferre queat: misereri ignoscere culpas
Est proprium delere tuum: non obruis orbem
Seruatamq3 tuo pretioso sanguine gentem
Non perimis: quanquam sunt omnia plena reorum
Ergo ades: atq3 tuam pietatem funde super me
Concessamq3 mihi per te nulliq3 negatam
Viuentum generi: tot iam labentibus annis
Da libertatem quam dux mihi quintus ademit
Insubrium saeuo me pridem carcere torquens.

AD GLORIOSIS. ET PIETIS. DEI MATRE.

Mater immensi sine fine regis
Morte qui mortē propria fugauit

Seculo primi grauius parentis
Facta luenti.

Virginum flos: & rosa prima uirgo
Qua graues orbi cecidere noxae
Feminae dira improbitate merso
Crimen ob unum.

Dulce uexillum peregre domiq;
Neminem perdens tibi militanti
Te pii gaudent opis indigentes
Nullius Herce.

Huber antiquae pietatis o fons
Impii nec te dubitant uocare.
Rebus induris: nec opem recusas
Ferre prophanis.

Te uiatores duce concinentes
Transeunt uastos aliquando mōtes
Ad suas laeti referuntur iidem
Te duce sedes.

Te procellosis uiolenter undis
Nauita i sirtes scopulosq; uectus
Orat & uotis leuibus fatigat.
Tu dea praesto.

Te platus dire cruciatus insons
In specu denso tenebris situq;
Inuocans uiuit lachrymis tuaq;
Pascitur aura.

AD DIVVM ANTONIVM.

az

Qua te magne parens Antoni diue precabor
Fronte: quibus uerbis: mihi circumfuditur ingens
Ora rubor sudant ueteri precordia culpa.
Qui te non adii: uenerandaq; templa uiennae
Ad quartum & decimum lapidem uicinus & oti
Commoditate fruens: biemans in colle propinquo
Cum duce qui plectit me tunc ea rura colebam.
Da ueniam repetende mihi in regionibus illis
Mox ubi contigerit diuturno carcere solui
Crura pedesq; luent insanae obliuia mentis.
Interea ne sperne preces & uota ferentem
Perpetuo grandaeue senex habitator eremi
Aspera qui ditis certamina mille tulisti
Christi inuicte pugil per tot discrimina uictor
Maecte polo facieq; dei: uenerabilis inter
Caelicolas uotis precibusq; assuete uocari
Rem nulli obscuram scio te dum uita manebat.
Imperitasse feris trucibus rabidosq; leones
Morigeros habuisse tibi mirabile dictu.
Quod precor haud tale est & principe torqueor insons
Insubrium quinto uinclis & carcere mensem
Iam quintum & decimum nec adhuc placabilis extat
Da pietate tua penitus mitescere: uotis
Non deero: promissa fides sua quaeq; sequetur

AD DIVAM CATHARINAM.

Regis illustris catharina costri
Filia in magnis opibus paternis

Nata regali simul alta luxu
Regia uirgo.
Diua quae tectis humilez superbis
Caellulam iuuito patre praetulisti
Aureo cultu tunicam pilosam
Pluris habendo.
Quae ducū spretis thalamisq; regū
Te deo intactam cito consecrasti
Cuius intaeda bene perseverans
Sponsa uocaris.
Dogma quae sacre penitus tenebas
Virgo longaeuis potis una cētuz
Congredi i rebus studiisq; sacris
Inclita uictrix.
Cernis aerumnas ueteris clientis
Profer in lucem p̄cor ipsa rectum
Pectus illustra ducis alma quinti
Insubris orae.

AD DIVVM PETRVM.

¶ Nec tu culte mihi celestis ianitor aulae
Carminibus nostris non celebratus eris
Quin prece te exorem timor omnis abesto: quod asp̄
Dura tibi nomen dat petra teste deo
Scilicet infracti te pectoris esse fatetur a 3
Caelica uox fidei robur & acre tuae
Quod malco abstuleris dextram dicto ocius aurem
Sanctum opus hoc ausim dicere: quisue neget

Mitis es. Id circo gregibus praefecit alendis
Te pater aulae praeposuitq3 suae.
Primus oues curare dei moderamine sancto
Caepisti primus pastor in aede dei
Quam tibi non auro seruare nec arcibus ullis
Nec metui imperio belligeraq3 manu
Cura fuit late diuinum extendere cultum.
Sancta q3 praesidium crux erat una tuum
Religione pia pius omnia pastor agebas.
Nudi pontificis totus & orbis erat
Sed quid ego ad nostraz nihil hec faciētia causā
Syderibus caeli lucidiora loquor
Te precor ex animo diuuz antiquissime nomen
Vnde mihi tribuit sors & uterq3 parens
Da dextram misero: crudeli carcere pridem
Luna ter impleuit cornua quina premor
Nec modus ullus erit: nisi quem diuina potestas
Fecerit: ut faciat tu quoq3 diue roga
Perpetuum mihi numen eris: referetur ad auras
Ore meo pietas officiumq3 tuum.

AD DIVAM CLARAM.

¶ Clara quae nomen trahis ex olimpo
Par rei & uitae teneris ab annis
Luce diuina radiata uirgo
Clarior astris.
Quam sibi afflauit propriamq3 fecit
Omnium idem rex opifexq3 rerum
Cuius in sacris operata semper

Mira dedisti.
Tu feros hostes uiolenter aedi
Cum truci ferro super imminentes
Ignibus templum decus atq3 templi
Omne daturus.
Sola profligas perimis retorques
Dimicans primi in statione muri
Hostia armata exigua: fideq3
Clara sacerdos.
Te petunt nautae sibi praeuidentes
Grande discrimen: Iouis inde caelum
Cum fremit densant per inane nubes:
Murmurat aequor.
Tu pia exultans miseris adesse
Numen exoras super omne numen
Ocius dicto redimis iacentes
Cuncta serenans.
En ego oppressus grauiore fato
Do preces imple precor alma: profic
Quod tuas olim uenerator ibam
Pronus ad Aras.
Cultor antiquus tuus en laboro
Mole iam pridem rigida malorum
Adde te nostris comitem patronis
Numinibusq3.
Da quod est in te: dare diua lucem
Rebus obscuris solita es: benignum
Principem reddas mihi clara per te
Clarificetur.

AD DIVVM GEORGIVM

TEn tua qui solitus fueram celebrare Georgi
Annua sacra nitens: & galeatus eques
Bis rediere: neci datus atro in carcere pannis
Obsitus in multa sorde uolutus agam
Diue potens armis si qua est tibi cura tuorum
Candidus & felix ad mala nostra ueni:
Et potes & debes ueterem seruare clientem
Vnum te colui praecipuumq; puer
Nondum flauentes prima lanugine malas
Vestibam tenero nec mihi robur erat:
Vix credendus equo tua mollis ad annua duri
Sacra Neoptolomus militis arma tuli
Te q; bis senos colui iuueniliter annos
Festa luce tua conspiciendus eques
Quos ictus mea claua dedit quot fregimus hastas
Auspiciisq; tuis praemia saepe tuli
Hos tibi perpetuos fueram facturus honores
Inq; dies armis plura daturus eram
Intercepit atrox crudeli carcere fatum
Me tibi: diue precor quam potes affer opem
Non tibi squamosi perimenda est tergoris ingens
Belua: non hasta non opus ense tibi
Insubrium mihi redde ducis placabile pectus
Hoc sat erit repetam mox tua sacra frequens.

AD DIVVM AMBROSIVM.

Pastor in subris populi paterq;
 Vtilis mitra calamo & flagello
 Doctor illustris fideiq; lumen
 Quattuor unum.
 Maxime ambrosi sum⁹ unde nacti
 Nomen eternum ppriosq; ritus
 In sacris nec nō monimenta nobis
 Debita solis.
 Cuius eternuz memores quotannis
 Festa solenni colimus triumpho
 Dona certatim pia plebs ad aras
 Cum patribus fert.
 Te domi patrem patriae uocamus
 Te foris: si quis metuendus hostis
 Imminet belli facimus magistrū
 Signiferumq;
 Tu uel ad muros ruat hostis: affers
 Semper in rebus dubiis salutem
 Pacis & belli moderator idem
 Ara tuorum.
 Te uocat supplex tenebraz ab imo
 Carcere isubris platus unus inter
 Te pie & sancte merito colentes
 O pater urbis.
 Da modo ne te precibus fatiget
 Irritis: non est opus sic trinodi
 Qua feros olim ferula fugasti
 Fortiter hostes.
 Cor tuae inspirens dominantis urbi

Vt modum poenis statuatur benignam
Induat mentem pater alme praesta
Me tibi donet.
Mille seruabis mihi crede in uno
Ciue perculsos: age diue partes
Et tibi antiquas propriasq; serua
Quenq; tuorum.

AD DIVVM SEBASTIANVM.

Ecce Sebastiani lux infaustissima diui
Ecce dies auctor cladis & ipse meae
Ter formosus equos egit per sydera Titan
Cornuaq; impleuit ter duodena soror.
Ex quo me miserum temerarius abstulit error
Meque mea leto simplicitate dedi
Festa Sebastiani uicinia tota colebat
Ingredior laribus proxima templa meis
Templa subit princeps celebri comitatus ab aula
Affatusq; deos pauca serenus abit
Sedula carpit iter cum caesare tota iuuentus
Cum patribus procures cessit & omne iubar
Solutus ego aerumnis deuotus carceris huius
Sic erat in fatis solus in aede moror
Vidit & incaluit sed ut est maturior annis
Caesar in hanc poenam distulit usq; diem
Diue nitens auro calcaribus ense: saluber
Toti orbi. nostris casibus affer opem
Affer opem ducis inspire praecordia laesi
Excute quo peni fulmen in aede tua.

AD OMNIPOTENTEM DEVM.

Quo nostri gemitus usq3 dolor meus
Quem finem statues innumeris malis
Vis supreme pater me in tenebris mori
Tu concessa uagis aequora piscibus
Mox sulcata uiris: tantus amor lucrit
Ad praedonis opus: uotaq3 temperas
Illum seminecem fluctibus eripis
Indignante noto cum reliquis tribus
Mercatoris iter per iuga montium
Vix signata regis cumq3 pecuniis
Partis incolumen reddis eum domi
Nemo tam reus est perpetuae necis
Cui non aduenias te modo claudit
Vni tanta mihi gratia clauditur
Qui nullum inuenio carceris exitum
Noctes atq3 dies te pater inuocans
Si te nulla mouent cum prece feruida
Quae plena fidei uota pie damus
At matris miserae cordolium meae
Quae se horis crutiat flebilis omnibus
Et germana tuo dedita numini
Seruat uirgineum quae tibi lilium
Haec pro me assiduus te precibus rogat
Totius lachrymae te moueant domus:
Quae spes in puero tot queritur suas
Fatis immeritis funditus eiici aui
Si quam par fuerat li berius loquor

Da rex omnigenum da ueniam precor
Verbis improbulis. me nimius dolor
Depleuisse potis quodq; caput potens
Dudum ex uaniloquo sacrilegum facit
Si duri pateat Ianua carceris
Nemo te Platino feruidius colet.

AD DIVVM CHRISTOPHORVM.

Christophore haud dubitē q̄a sis āplissim⁹ heros
Te prece diue gigas posse mouere mea
Qui quanquam foribus temploꝝ exclusus in ipsis
Passim habitas totus te tamen orbis amat.
Stant aedes tibi: sunt solennia festa quot annis
Praecipue insubris gens tua sacra colit
Quas properare rates auratas: qualibus hospes
Tyndari te rapuit te q̄ colchi tuus
Ad tua cras ubi lux orietur templa uidebis:
Magna suburbana turba uebetur aqua
Pars in equis: gemino sudabunt pondere quanti
Cornipedes: ibit iuncta puella uiro
Vnus in his aderam tibi sedulus: hoc mihi profit
Clade laboranti christifer affer opem:
In uinclis teneor & sordibus arcis in imo:
Torqueor infelix innocuumq; caput
Per decus immortale tuum: quod sessor inhaesit
Rex tibi: quem mundus non capit: affer opem.

AD VNIVERSITATEM SANCTORVM.

CDeniq; caelicolas omnes comprahendere lōgum
Cum sit & immodicus dinumerare labor
Numina cūcta simul uoco uulgus & omne deorū
Dii sine uos ulla lite deaeq; precor
Aspirate mihi superi uelociter omnes
Ferte manum summo cum Ioue quisq; suam
Ite mihi faciles: in terris numen habentem
Reddite pacatum caelica turba ducem.

AD ILLVSTRISSIMVM DVCEM
MEDIOLANI.

Iuppiter aspirat tibi cēsar & aurea cēli
Sydera soluenti diiq; deaeq; fauent
Nil prae te fortuna fouet mundiue creator
Quaeq; diu nulli stat rota fixa tibi est
Quod perdifficile est dea cēca & lucida uirtus
Agmen iunxerunt auxiliare tibi
Altera quid statuas monet: altera cepta secundat
Sedula pro rebus hęc stat & illa tuis:
Gallia te saluum per mille pericula nobis
Reddidit optatum legetimumq; ducem
Te duce seruato nostri cecidere timores
Iam qui terruerat territus hostis erat:
Et te non ausus per bella laceessere mouit.
Mox eadem thuscis complicibusq; tuis
Tu celer in sequeris nimis use uiriliter armis
Testiferum passim Dux animose ducem:

a. vii

Flaminiae transgressus agros rumore secundo
Fraenasti innumeri militis unus iter
Praelia detrectans tibi tandē inuaditur hostis
Cessit: adhuc illo Marte repulsus hebet
Victor mox alia ex aliis in bella uocaris
Aduce Sabbatiae nam timor unus erat
Venisti. cecidere metus atq3 hostibus arma
Quiq3 minabatur proelia foedus init.
His ita compositis tibi regia ducitur uxor
Quae bona sola tuo est digna reperta thoro
Nulla mora est tãti regni tibi nascitur haeres
Omnibus laetis syderibusq3 puer
Te facturus auum: felici cuius in ortu
Orta est in subribus spesq3 salusq3 tuis
Est tibi praeterea medicis ob noxia nullis
Robore subsistens prima iuuenta suo
Digna deo facies proceraq3 membra: seueri
Et quod amēt molles nūminis instar habēt
Quid loquar ingenii dotes aut nobile regnum:
Thesaurosq3 tuos: militiamq3 tuam:
Quae prestare potest fatum natura uel usus:
Vnus es o princeps nactus ad inuidiam
Haec tibi sint ut erunt sine labe penna caesar
Opto tenebrarum de foueaq3 necis
Sed precor ut superos in terris uiribus aequas:
In manibusq3 tuis uitaq3 morsq3 mea est:
Sic referas pietate deos: i parcere norunt
Nos ubi commissi poenituisse uident

Parcere supplicibus diuina & regia res est
Vtere mi caesar cum Ioue iure tuo:
Mille modis fateor demens tua numina laesi
Poenituit: poenas satq3: superq3 dedi
Officium non lenta suum medicina peregit
Deq3 meo excussit corpore: quidquid erat
Parce tuo princeps semel ictus fulmine: quis non
Perpetuo metuens illius esse uelit
Dum meus aetheria uescetur spiritus aura
Dum mihi quid pensi: quid rationis erit.
Cura erit una mihi tua iussa capeßere caesar
Maieſtatis ero cultor ubiq3 tuae
Me tua criminibus censura notasse duobus
Viſa eſt audacem non ſtabilemq3 uocat
Nil auſim contra deponere ſiduo tantum
Das: nec plura mihi nec grauiora bene eſt
Vnde tamen ueniant duo crimina ſi uacat audi
Auſonidum princeps gloria prima ducum
Me ſincera fides & non uiolabile pectus
Et tria in obſequiis luſtra peracta tuis
Fidentem fecere tui: cur palleat inſons
Qui nihil admiſit pertremiſit ille nihil
Haec mea uis animi praeter me noxia nulli
Iam fuit in duris caſibus aura tibi
Haecenus inſtabilem fortuna miſerrima fecit
Parua domi res eſt mens animoſa mihi eſt.
Ne tibi qui puerum ornaſti ſim turpis alumnus
Nitor: honorata luce carere graue eſt

Omnia per uirtutis opus sine crimine tento
Laus ubi nulla domi est. quaerit illa foris
Sed qd ego ī cassū tenuo mea crimina demēs
Sum reus: & precib⁹ culpa piāda mihi est
Lesi ego te princeps teneris īpulsus ab annis
Simplicitate nocens & leuitate mea
Et nimio armoz studio: cum perditus essem
Nescio quo fato martis amore feri
Vnguibus ī teneris memini petulātor equo
Laesi te princeps garrulitate mea
Omnia si numeres citius numerabis aristas
Sed qā fraude carent omnia parce precor
Poenitet & dolor ē mihi caesar acerbio omni
Supplicio: post hac iure probandus ero
Si me summe tuis genib⁹ dignabere pnceps
Supplice me nullus mitior agnus erit

AD EVNDEM PRINCIPEM.

Bis tua te fecit cōiux faecunda parentem
Bis plausus hausi laetitiaeq; sonos
Ex quo p tua me p publica gaudia torques
Nec lenire bonis nec satiare malis
Maxime dux ī te potuit qd homūtio: saltē
Magnanimi mecum more leonis agas
Cui strauisse pecus: satis est: quē nobilis ira
Non agit in paruas ungue nec ore feras.

AD EVNDEM PRINCIPEM.

CFertur ubi foetam Bona dux compresserit aluim
Arua petiturum protinus ista ducem
Principis aduentu spes est mihi magna salutis
Irrita ne sit adhuc numina posco frequens
Qualia descensu supremi in tartara regis
Vincla soluturi uota fuere patrum
Talia do superis implenda fideliter & quae
Mittere religio maxima iure foret:
Praecipuas diuina parens mea gloria partes
Spes mea certa: salus optima semper habet
Iamq3 ueni princeps superum comitatus amore
Digna q3 caesaribus ora serena feras
Fer tecum mites animos: mentemq3 benignam
Aeterniq3 patris tu mihi redde uices.

PATRIS MONITVS PER NOCTVRNAM
Q VIETEM.

CNox erat horrendo dederam mea membra cubili
Nuda quod in tetro carcere terra dabat
Forte sopor: credo curarum mole subortus
Tunc oculis inerat non datus ante meis
Ecce mihi in somnis cari genitoris imago
Astitit: agnouit protinus ora patris
Ora patris semper nostris in fixa medullis
Quae mihi syderei numinis instat erant:
Fortiter haec o nate tibi fortuna ferenda est
Inquit, in aduersis eminet officium.

Erige te nec. n. licet hora nouissima uite
Venerit. haec debet esse molesta tibi
Fleri prima dies hominis nō ultia debet
Vna mali princeps altera moeta malis
Singula discurras humanae tēpora uitae
Omnibus aerūnas & mala inesse uides
Incipe ait: primo pueri nascētis ab ortu
Vagitus querulos primus biatus init:
Quis scit an hic ploret natura q̄ppe magistra
Humanae duꝝ cōditionis opus
Perge: puer septē paulatim creuit ad annos
Plurima quae cruciet erudiēdis habet
Pedonomis etas hēc lubrica paret amaris
Cui nunquā faciles imperitare solent:
Mox ubi uestiri incipiūt lanugine malae
Mille puer grauibꝫ paret adultus heris
Rhaetoras: armoz pariter moꝝqꝫ magistros
Cogit assidui ferre laboris onus
Qd postq̄ iuuenilis adest robustiō etas
Non ne subit certae mille pericla necis
Vulnera naufragium conuicia furta rapinas
Vim dñi comitū pbra metuinqꝫ fori
Plena domi pariterqꝫ foris sūt mille laboꝝ
Omnia: seu terra seu uelit ire mari
Nec mora sustentans tenui sua mēbra bacillo
Aetas digna colit cana senecta subit
Qs memorare queat q̄t habet mala seriō etas
Quotqꝫ graues morbos: taedia quantā ferat

Luminibus capite quandoque nec auribus audit
Membraque longevi sunt mutilata senis
Ingenio puer efficitur: tremor incutit artus
Omnibus inuisus uel sibi uiuit iners
Audio nescio quem graeca de gente Sophista
Haec prope diuina uos monuisse tuba
Mors optanda uiris obeundaque fortiter inquit
Cladibus innumeris quae ferat una modum
Esse dei munus mortem constare duobus
Fecit ab exemplis temporis ille sui
Quos habuere deos quidam orauere: laborum
Condiderant clario bina sacella deo
Quod foret expediens sibi pro mercede daretur
Est data mors illis perpetuusque sopor
Iuno sacerdotes proprios argiua peremit
Vtile quid natis matre rogante dari
Quid memorant antiquos quos gloria traxit inanis
Forma quibus uerae nulla salutis erat:
Quis numerare ualet quot summi regis ab ortu
Vltro christocolae sustinuerunt mori
Vnde fit: ut magni sint plena sedilia caeli
Quos premit in terris tollit ad astra deus
Quae si conspiceres rationis acumine fleres
In terris longas & querere moras
Si te fatales producere iugiter annos
Nate iuuat: stabunt stamina: crede patri
Non est cur timeas licet atri carceris horror
Terreat: atque ierint tot sine sole dies

Quo tibi Christiperae fiducia uirginis olim
Tam bona tam constans spes abiit ue fides
Erige te supplexq3 deae pia numina poscas
Supplicis implebit uota precelq3 tui
Desine mortalem dextram sperare precado
Prorsus ab excelsa est illa petenda tibi
Ast ubi te dulcis tandem reuocarit ad auras
Mota dei genitrix simplicitate tua
Mota meis precib9 quasq3 illa miserrima coiuu
Nostra tibi cumulat heu miseranda parens
Vitam aliam: si patres audis secleris oporet
Terreno instituas uertere terga luto
Caelestemq3 sequi meliori pectore cultum
Liber ab humano stercore terra uale
Iam satis atq3 super fremuit tua popula mundo
Pompula quae uere fumus & umbra fuit
Hoc mortale chaos studio sectatus inani
Prorsus aberrasti nec sine morte diu
Omnia plena metu plenissima cuncta dolore
Omnia curarum plena fuere tibi
Affuit erranti semper deus optimus, ergo
Si sapias emenda quod male cessit iter
Aspice discussa paulum caligine mentis
Quot mala uitalis quanta manebat hyems.
Quare age grate deo grates pro munere tanto
Quod superest omni tempore redde precor:
Redde pias laudes & si quid acuminis in te est
Dede polo & rebus officiisq3 sacris

Corpus & hoc patiens tot iam pro morte laborum
Pro uita facito ne male pugnet idem
Si perstas adeo si te mortalia tangunt
Diuelli ut nequeas accipe iussa patris
Ingentes reprimas animos: fastidit olympus
Ceruices hominum persequiturq; deus
Cum ducis ante pedes fueris mi nate memento
Siqua tibi propriae cura salutis erit.
Obuolui genibus uel humi procumbere supplex
Addideris lachrymas si lachrymare potes
Non potes o prisco dignissime tempore nasci
In quo permagni spiritus acer erat
Nunc illi periere animi cum uiribus illis
Si sapis antiquos lauda: imitare nouos.
Felix si nunquam legisses facta Quiritum
Nec tibi Sfortiadum gloria uisa foret
Te pater armorum primis armauit ab annis
Qui mihi per leges erudiendus eras
Creuit amor laudum Iunenili in corpore creuit
Bellorum: qui te praecipitauit amor
Quantus in Imperio digressus ut unde reuertar
Sit tuus hic princeps immemor esse caue
Quam grauis & perstans ultor faba cuditur in te
Aspera iam pridem dixeris ipse tibi
Vnum hoc perpetuum tibi sit ni maxima uirgo
Mota fide & ueteri religione tua
Mota dolore meo lachrymis precibusq; parentis
Quasq; dat assiduas uirgo sacrata Soror:

Sedula terribiles lenissent principis aestus
Pro deplorato carcere trusus erat
Ast ubi liber eris per plana remissius ito
Nec semper famae deditus esse uelis
Nulli confidas: sub melle uenena timeto
Noli plus aliis quam uigilare tibi
Necte sollicitent aliorum limina regum
Iussa tui peragas qualiacunq3 ducis
Hoc capiendus erit alio conamine nunquam
Vel sit te Aeacidae uiderit esse parem
Interea ne cede malis medicare dolorem
Vt fit ab exemplo consociisq3 mali
Temporis ut taceam cōplura recentia nostri
Audi maiorum crimina remq3 tuam
Quot Thebae illustres q̄t athenae ī uīcula ci
Roma quot īsignes iecit & ipsa uiros Cues
Scipio de patria meritissimus exulat: exul
Affereret cum te Roma Camillus erat
Causā in cōpedibus ppriā dux inclytus egit
Miltiades patriae tutor bonosq3 suae
Pulsus Agenorea Polynices alter ab urbe
Et rex & frater mutua fata tulit
Nusquā tuta diu caput extulit īclyta uirtus
Liuorem patitur flos ut amoenus apes
His dictis ingens euauit umbra parentis
Excitor extemplo uisq3 mente sequor:
Iāq3 mihi eparuo patefacta foramine lux est
Surgo: deae supplex uota precesq3 fero

Audiit orantem uirgo diuina: reuixit
Iamibi deficiens: spes animusq; malis
Iure tuū numen prae diuis omnibus unū
O mea seruatrix hinc uenerabor ego
At tibi me genitor tanta pietate monēti
Quid precer ut felix ore fruarē dei.

AD PIENTIS. VIRGINEM AE
DE LAVRETANA.

Hanc tibi coeloꝝ posuit Regina tabellā :
Testaturq; tuam uirgo Platin⁹ ~~tuam~~ ^{ope}.
Quē spec⁹ afflixit: cui triste Mogūtia no
Dat: quā lōga fuit luna q̄terna q̄ (mē
Ab mis⁹ assidue mōtē poscebat ī illo (ter
Carcere mors: illinc exitus unus erat.
Tantū odiū mōtale pōt: ubi numina sup
Ad tua cōfugit uota p̄cesq; dedit (plex
O pietas auro per compita digna notari
O nunquam eloquio res celebrata satis
Cithia uix orbē cōpleuerat: o dea praesēs
Omnibus: auxilio soluitur ille tuo
Nec tulit ulla foras uestigia carceris atri
Corpora qui uitiat si minus illa necat
O uirgo sāctoꝝ opē foecunda potensq;
Qui tibi se debet supplice corde rogat
Vt sua fatalis cum uenerit hora: fruatur
Ore tui nati te duce in arce poli.

AD SANCTIS. VIRGINEM IN
AEDE MOGVNTINA

Nudatis pedibus manibusq3 platinus honestis
Hoc adiit templum uirginis alaribus.

AD LAVRENTIVM MEDICEM DE
INTERITV IVLIANI

Peccauere minus: cum foedauere senatum:
Telaq3 caesarea cede cruenta patres:
Q3 parricidae: qui perfudere deorum:
Sanguine Laurenti templa uetusta: tuo:
Germaniq3 tui truncarunt corpus adaras:
Luce magis propria qui tibi charus erat.
Hi uos incautos armis petiere nephandis:
Vt uiduam geminis opprimerent patriam.
Tu patriae seruatae pater: polluce perempto.
Ille tibi Pollux: tu sibi chastor eras.
Viue tuum: fraterq3 tuus quod debuit: euum:
Secula qui tecum uiuere dignus erat.
Interea uenient nati: uenientq3 nepotes:
Sustineant medices qui decus omne domus:
In quibus: ut phenix: renouabere: quod tua uirtus:
Et populi pietas officiosa tui:
Et pia praestabunt debentia numina donis
Patres auig3 tui: muneribusq3 tuis.

FINIS.



